

建寧府志卷之二十一

官蹟一

分巡道

明

賈錠字良金安陽人進士弘治五年陞福建僉事  
分巡建寧道風裁凜然武弁斂戢平反疑獄民  
至今稱之

段敏字惟勤金壇人進士任福建僉事正德四年  
署建寧道事博學有守吏畏民懷嘗屬聯於廳

建寧府志

卷之二十一

官蹟

三百五十一

事曰眼前皆赤子頭上有青天

蕭乾元字必克南安人進士由監察御史正德十  
二年陞建寧道僉事嚴毅恪恭摘奸貞度秩滿  
軍民垂涕遮留前旌不得行

袁洪愈字抑之長洲人進士嘉靖丙辰官闕臬僉  
分巡建寧道時雖承平獨憂陰雨練兵選將大  
有先聲而愛民造士尤所惓惓時李肅愍臥東  
山與愈談兵甚悉亟稱其才後官至太宰  
舒春芳字景仁鄱陽人進士嘉靖庚申任建寧道

僉事道轄福寧一州時海寇猖獗福寧承平久  
民不知兵芳以素所練者遣將禦之寇遁去保  
障功高迄今兒童走卒咸知芳名

徐作字汝念南昌人進士隆慶初任建寧道僉事  
少年秉憲沉涵練達一方肅清崇邑有豪逆燔  
父屍鄰人驚首而豪百方居間久難成獄作親  
召庭鞫得情伏法建議改福寧州屬海道而以  
延建邵爲建南一道道里近文移便卒如指累  
官都御史

建寧府志

卷之三

職

二

三百二

万

張封字汝登餘姚人進士萬曆七年任建南道僉  
事英明博大紀綱保障條布井井墨吏望風解  
綬老猾胥吏屏息時又丈民田鬻官田封綜覈  
主持民以不擾

莫睿字思卿錢塘人進士萬曆壬辰由刑部郎陞  
建寧道僉事澹默正己風裁率屬下寮凜凜無  
敢濫受民詞三郡晏然奸猾包攬軍糧致軍鼓  
譟睿立寘譟者法卒賴寧定又有謬托神降言  
禍福者四鄉爲之惑立命逮治事始寢

孫朝讓字九芝常熟人進士崇禎間任建南道惇  
大體肅下僚歲饑奸民聚衆強貸富粟洵洵有  
亂萌萌朝讓寬嚴得宜奸黨始戢大旱禱雨率有  
司齋戒冒暑步禱梨山士民隨之甘霖大降山  
寇吳崇等爲亂建崇松浦受其荼毒後受招撫  
復萌異志乃檄行各縣悉於除夕擒殲民始有  
衽席之安

